

Bosangeli nsango na nzela ya singa mpe mipepe # 189-mokolo
mwa Póso Sánzá ya Mwambe 22 2026

NDEKO WILLIAM BRANHAM

Mbote baníngá.

NDEKO WILLIAM

Boyéi bolámu na bosangeli nsango Mbóte Baníngá, epai wápi tokomemaka nsango ya nsúka mpenzá mpe likambo na likambo na esíká na yango epái na bino, Mwasi ya libála na mokili mobimba. Boyéi bolámu, moko na moko, na eténi ya 189. Natii motéma ete bino nyoso bozali malámu na nzela ya ngolu na Ye. Ngai oyo awa William McMaster's,

NDEKO STEVEN

mpe mbóte kouíta na Harare, Zimbabwe. Ngai nde Stephen Tutani.

NDEKO WILLIAM

Boye, mbóte, ndeko Stephen, mpe mbóte na moto nyoso azali koyóka. Lokóla boyébí, tozali bisó nyoso kati ya bopémi na bisó ya La Voix De Dieu ya ntango ya mói makasi awa, mpe oyo ezali eténi na bisó ya mibálé ya eleko ya bisó ya bopémi. Mpe oyo ezali moko ya godi.

NDEKO STEVEN

Ezali yango

NDEKO WILLIAM

lisoló tozuaka ntango nyoso ezali lolengé bino nyoso bolingaka mingi koyóka matátolí. Na bongo yango nde oyo etálí nsango ya bisó ya eténi ya lelo.

NDEKO STEVEN

Bokosepela sóló mpenza matátoli mazalí koya awa, mpe nakokákí te komípekisa kokanisa na ntína ya litátolí moké Ndeko Bill Paul apésákí, mpe mingi na bino bakokí komíkanisela oyo. Azalákí kosolola na ntina na mwa elengé mwana mwasi oyo ayakí na libóké ya sapáto na nsé ya lobóko na ye, soko namikaniselí malamú, mpe Ndeko Branham afándísákí ye pembéni mpe atalákí loléngé molongó ya mabondeli elekákí, mpe abóndelákí mpo na ye, mpe Kondima na ye elingaki kozala komata wana ezalaki ye komóna oyo Nzambe azalákí kosálela ba mosúsu na bango. Boye, Nandimísámí mpenza ete Kondima ya bisó nyoso ekozua nde tómbwá ya sóló sóló na ntóngó oyo. Amen. Koyóka oyo Nkoló Yesu azali kosála mpo ya bana na Ye. Na bongo, soko ozali kobóndela mpo na eloko moko boye, he, bátélá libóké wana ya sapáto pene,

NDEKO WILLIAM

mpo ete Nandimisámí Nkoló

NDEKO STEVE

akosála likambo moko ya godi mpo na yo nsima ya kondima na yo komata na ntóngó oyo.

DEKO WILLIAM

Masánzoli na Nkoló. Moko ya ebelé ya makambo nalingaka na ntina ya matátolí kouíta epái ya bandimi ezali ete ekaniselaka bisó ete Nkoló Atálaka mpenza ndambo moko na moko ya makambo ya bomoi na bisó. Ee. Mbala mosúsu toyókaka matátolí ya lobiko na nzóto, kokangolama, to bikámwiseli ya káfú-kafu, mpe tolingaka yango nyoso. Kasi na ba ntango mosúsu, Nkóló akoya na loléngé moko ya bobóto oyo ekotíka elembetele na motéma na yo oyo Akobósana soko moké te. Litátolí na bisó ya libosó eúítí epai ya elengé ndeko mwasi oyo azalakí na mpósá sembo ya Koyéba Nkólo koleka mingi mpo na ye moko mpenza mpe kolanda bokambami na Ye kati na bomoi na ye. Mpe na Ntango Ya Kimia ya moto mpe Nzambe, amíkútákí ete azalaki kosála mpenzá kaka oyo ntango ya Kimia ebongisámákí mpo na yango, mpe yango nde kotángwa na makeléle, kokabwana na oyo nyoso ebéndaka bokébi, mpe kolekisa káka ntango moto ye moko elongó na Nkoló, mpe oyo elandákí ekómákí piké na mabelé na motindo ete alobí ete akomema yango elongó na ye mpo na bomoi na ye mobimba oyo etikali. Bóyóka litátolí na ye.

NDEKO STEVEN

Totángí boye, “Litátolí oyo ezuámi na motéma na ngai bándá mokolo ya molúlú ya YF oyo Ndeko Joseph abongísákí awa na Arizona na sánzá ya Míbalé 21. Nkoló Ayákí mpe alobákí na ngai mpo na mbala ya libosó, mpe na sóló mpenza akokákí kowánganama te. Kati na mwa mbúla ilekí, esengélákí Názua mwa mikáno ya makási, mpe Nazalákí na pósá makási koyeba oyo Nkolo mpenza azali, mpo Nákoka kolanda Ye lokola mokambi ya bomoi na ngai. Bobélé lokola nakolinga koyéba mobáli oyo nakobálana na ye, Nalingákí kotia mayéle nyoso likoló ya koyéba Yesu mpo ete mokolo moko nokí tokobálana na Ye.

NDEKO WILLIAM

Ezali malamú mingi

Mpo ya kokende libosó, Nasepéli mpe na yango. Ee. Mpo na kozóngela molúlú, Nasengélákí názala kotálela kozua elóko moko, káka lokola Ndeko Joseph ayíkisaka bisó mpiko kosála na ntango tozalaka na ba Camp. Kasi mbala oyo, Nasepélâkí na ngai káka na Bozali ya Nkoló. Wana ekendákí ngai Kúná, likanisi mokambi na ngai ekóbákí kotámbola kati na lobánzo na ngai lisúsu mpe lisúsu na lisúsu. Nakanísákí yango mingi mpenza te na ntango wana, kasi nokí súka-súka Nakoya kokúta ete ezalaki nde mongóngó moké ya kimia.

NDEKO WILLIAM

Nsima ya bondeko kati na bomókó, eténi epusi malamú eyákí ntango ya kimia. Ezalaki nsai kotangwa mosiká na mingóngó nyoso. Nafándákí mpe Nabandákí kobóndela, koyebisa Nkoló boni Napesámákí libakú malamú kozala na makokí ya koyóka Ye koloba na nzela ya mosakoli na Ye, mpe boni nasepélakí koyeba ete Nazalákí kati ya mokáno mwa Ye mobongí be mpo ya bomoi na ngai. Nsima Nayéísákí makanisi na ngai kimia mpo ete yango nde ntina ya ntango ya kimia. Namikaniseli ete Nalobakí, “Ata Nayebí ete Olobaka na ngai na nzela ya ba bándé, Nakolinga mpenza nayóka ngai moko mongóngó na Yo. Nazalaki mpenza na kimia na ntango wana. Ezalaki te kopúsa mpo Nzambe áyanola mbala moko alimá ndèle, kasi bobélé pósá ya motéma na ngai, lokóla nazuá nano te ndéngé ya kobíka makambo motindo wana libosó. Nokí nsima ya koloba bongo, Nayókákí mwa mongóngó ya kimia koleka. Ezalaki te mongóngó koyókana polélé makási. Ya libosó nayókákí, “Nalingí yo. Bikamwa nini oyo ete oyo wana nde maloba ya libosó alobákí na ngai. Na nsima polélé bobélé lokóla mokolo, Nayókákí Njembo 55. Nazóngisamáki na makanisi zambí Nakanisákí, “Ngai nde Nakanisi yango? Kasi Nayébákí ekokákí kozala ngai te. Namíkelélákí yango te. Nazalákí kútu te kokanisa na ntina ya biténi ya makomí, na bongo nafungolákí Biblia na ngai na Njembo 55. Nátánga kokita boye, Nakómí na molongó ya 13, kasi ezalákí yo moto pelamoko na ngai, mokambi na ngai mpe moyébani na ngai. Heh! Lisakola yango mpenza lizalaki kotámbola kati ya makanisi na ngai mokolo mobimba yango wana

ezalaki libosó na ngai mpenza. Ezalaki lokola nde Azalákí kokanisela ngai ete soko natáleli baoyo bazali zíngazíngá na ngai lokola mokambi na ngai, ata moningá mpenza ya nzóto, akotángwisa ngai mosiká na nzela. Mokambi moko kaka ya sóló nde Ye.

NDEKO STEVEN

Akóbí. Mwa mikolo nsima, molimó na ngai ezalákí na nse wana ekanisaki ngai kpókósó mingi ya bomoi, kasi nabandákí kokanisa likambo monéne wana nabíkákí lisúsu. Na nsóni nyoso, nazuáki ntango yango lokola likambo ya mpámba, kokanisa ete ya sóló esengeli kozala na bisíká mingi kati ya Biblia epai wapi elobí “mokambi na ngai, kasi nayókakí kopúsama ete nâkoba koluka-luka lisakola wana. Oyo Nazuakí ekamwisákí ngai. Ezali na esiká bobélé moko kati na Biblia mobimba epai wapi lisakola Yango mpenza limónání.

NDEKO WILLIAM

Likambo ya kokámwa!

NDEKO STEVEN

Ezalaki te mokambi na bisó to bokambami oyo Nayókákí, ezalaki mokambi na ngai, mpe ezalaki ya kowángana te ete Nkoló akambákí ngai Kúná

NDEKO WILLIAM

mokolo wana. Amen.

NDEKO STEVEN

Nalikíí ete soko elengé nyoso ayóki oyo, akokaniselama ete asengélí kotiéla Nzambe motéma kozala mokambi na ye, mpe soko ndeko mwasi nyoso akoyóka oyo, koyeba ete asengélí te kobíka kati ya nsómo, na makambo mayókámí malamú te, bobélé mpo ete azali na mobali te kati na mokili oyo kokamba ye. NAzali naino kati na kokámwa na esengo mpe namíyoki kati na kosókema ntango nazali kokoma oyo, kokanisa ete Nzambe ya molongo ázua ntango mpo na ngai. Nazali mpeza na ngai káka moto moko ya malongá te, kasi Azuákí ntango kotálisa ete Azali El Shadai. Nyoso

NDEKO WILLIAM

ezali

NDEKO STEVEN

malámu kati na bomoi na ngai mpo ete Azali kokamba yango. NAzali na matóndí mingi kozala na piké na mabelé lokola eloko moko oyo nakoki ntango nyoso kotála na yango na nsima mpe koyéba ete Azali Nzambe. Zábolo akokoka soki moké te kobótola ngai yango. Ntango ekómí ete Nayebí eloko ya kosála te, Nakoyéba ete Nkoló Azali mokambi na ngai mpo ya libélá.

NDEKO WILLIAM

Amen.

NDEKO STEVEN

Nzambe Apambola bino nyoso. Ndeko na bino ya Mwasi Kati na Klisto, Tatiana.

NDEKO WILLIAM

Heh! Masánzoli na Nkómbó ya Nkoló. Matóndí, ndeko mwasi Tatiana, mpo ya kotinda litátolí yango. Mpe boyebi, Nkóló ayébí mpenza káka nini nde tosengélí na yango, mpe oo, Azali malamu mingi. Mpe Nayebí bisó nyoso tozali koyóka motindo yango moko lokola ndeko na bisó mwasi abimisáki na mokoko na ye ntango alobákí, “Nzambe ya molongo ázua ntango mpo na ngai. Oo ndeko, Azali mpo na bisó, mpe Ayébí kobwéta ya líso nyoso mpe nsúki nyoso na motó na bisó. Atálaka makambo nyoso.

NDEKO STEVEN

Ee, Asálaka yango. Nalingaka yango na ntina na Ye. Mpe boyébí, eloko mosúsu oyo eleki na motúya mpo na ngai, Ndeko Will, ezali káka oyébí, na libándá ntango ya kimia ezali mpenza komónana elóko ya pámba. Ezali káka oyebí, kasi makambo minéne mazali kokóma. Piké minéne izalí kopikama na mabelé. Bomoí kobóngwana, mpe Nakokákí komípekisa te kasi kokanisa litéya totéyamaka na Still Waters ntango nyoso kati na ba mbúla ete

boni makambo minéne masálemaka kati na kimia, to ndéngé nini makambo minéne nde makambo ya kimia. Mpe Ndeko Joseph akaniseláki bisó loléngé Ndeko Branham azalaki koloba, “Bosili koyóka bitando ya molongo ntango bizali kozunguluka? Bosili koyóka makeléle ya ntóngó kotána? Mpe Nakanisi ete makambo wana minéne mazali na yango kokóma káka na ba ntángo wana ya kimia. Matóndí mingi káka ete Nkoló asálí ete ízala mpo ya bana na Ye.

NDEKO WILLIAM

Amen. Elóko moko te ekozua esiká ya ntango oyókí mpe oyébí na elílingí ya ntembe ata ndámbo te ete oyókí mbala moko alimá kouíta epái ya Nzambe Ye moko. Amen.

NDEKO STEVEN

Nayébí mondimi nyoso akokí komíkúta awa, kasi moko ya makambo mazali kokóba kokámwisa bisó ezali káka lolengé ezali koyokana ya moto ye moko mpe na eleko beébeé matéya matéyámákí, biténi ya maloba mazóngélámí, esili koleka ba mbúla túkú na túkú, izali kokóma. Lokola tozali koloba matéya oyo mazali ya lelo oyo koleka zoloná ya lobi lokoya.

NDEKO WILLIAM

Amen.

NDEKO STEVEN

Ezali koyebisa makambo tozali koleka kati na yango mokolo na mokolo mbala moko alimá. Ezali bikâmwá boni Nzambe azali kosála yango. Litátolí oyo elandí eútí epai na ndeko mwasi moko longwá na Kénnya oyo amíkútákí azali kobunda-bunda na mikosa mpe móto na nzóto ya mabé oyo ekómísákí ye ápéma na kpókósó. Wana ezalaki ye koluka-luka mpo ázua kimia, asalákì oyo bandimi mingi mpenza kati na mokili mobimba basálaka: kofina play.

NDEKO WILLIAM

Amen. Oyo

NDEKO STEVEN

ekómákí na nsima ekaniséálákí ye mbala moko lisúsu ete Mongóngó wana ezali bobélé te maloba matiámí na masíni kaka lokóla ya makambo ya ntango.

NDEKO WILLIAM

Amen. Ezali bongo

NDEKO STEVEN

Nzela ya Nzambe epésámí mpo ya ngonga oyo, mpe etóndì na vitamíne ya molimó moko na moko oyo mondimi na mondimi akosengela na yango kati na mobembo oyo ya mabelé, mpe ezali kobátela Mwasi ya libála kati na nzelá nyoso, ndeko, ndeko na bisó mwasi molingami azalaki libándá na yango te. Oyo, oyo nde litátolí na ye.

NDEKO WILLIAM

Nzambe ápámbola bino, babúlami. Nalingí nákabola litátolí moko ya lobíko ya Nzambe na nzela ya mongóngó. Na mikolo ya sánzá 20, nazóngakí na ndako koúta na mwá bopémi mpe nabélákí mokosa moko ya mabé. Nabandaki kokosola mpe kopéma na pási mpo ya mokosa na mongóngó koúta na putulú. Lokola Nazalákí kobunda-bunda na kobénda péma mpe komeka mwa ba nkísi, nazuakí mpe Agapao Tablet mpe nafungólákì table app. Litéya oyo efungwámákí Yao mpe Lobíko ya Nzóto ya Bonzambe na 1954. Mbala moko bokébi na ngai ebéndamákí na eténi ya molongó ya mabóndelí epai wapi nakátákí libosó koyóka pene ya póso misáto libosó ete nákende na mobembo na ngai ya nsúka, kati na eténi wana, Ndeko Branham azalaki kobóndela mpo ya mwasi moko oyo azalaki na maláli ya péma koúta na putulú.

Mbote? Ya s'óló toyébání te, nabánzí. Nzambe, moto, Nayebí yo te, te, mamá. Boye, nde, soko tozali bapaya toyebani te kati na mokili oyo, mpe Nzambe ayébí ete tozali bapaya, mpe esengélákí kozala na nzela moko boye. Nakokákí koyéba yo mpe kokútana na molimó na yo, to nzela moko boye koyéba. Malámu, bayókí, Bozali kondima? Boyébí nini? Leká bokono wana ya Sinisíti. Ndimá Nzambe akobíkisa yo, na yango. Ndimá yango na motéma na yo mobimba. Okoki kozua yango sikawa. Nalingí bobélé koloba na yo mwa moké, yo- ezali bokono ya nsúka ya mosopó ya Monéne lokóla mpótá ya libumu, ezali bongo te? Móna kotálama ya m'ónganga. Ozali na ozali na motéma mokúsé koleka. na ntango ya mbóngwáná ya bomoi, nsúka ya bomoi ya bomwási. Ozali mpe na likambo moko lokola ozali kokosola na motindo ete ezali kosála eloko lokola lidusú. Kosókosó ya bokono ya péma nde nini? Ezali s'óló? Mpe ozali ozali na mokosa moko boye, mpe eútí na putulú to loléngé moko boye ya bosoto to elóko moko. Ezali na koyebana moko boye na yo, na moto moko, to bosanto na bisó. Ee, ezali yango. Koyebana na yo na ngai na nzela moko boye. Nayebí yo te, kasi ozali na koyebana na ngai. Ezali bongo? Nkómbó na yo nani? Branham? Nakanisákí. Nzambe ápámbola yo. Mpe obikí na yo. Oo, Nzambe ápámbola bino, basi.

NDEKO STEVEN

Oo Eh! Oo eh! Masánzoli epái na Nkoló. Ndeko mwasi alobí, “
wana eyókákí ngai maloba wana, Namíyókakí lokola nde Ndeko
Branham azalaki koloba mbala moko alimá na

NDEKO WILLIAM

ngai. Amen.

NDEKO STEVEN

Na pwasa, kosókosó etélémákí. Nazalákí na makokí ya kopéma
malámu lisúsu mpe nazuákí bopémi na kimia kati na bútu
mobimba. Mbala ya nsúka nabíkáki motindo ya pasi lokola oyo
wana, Nazali kokanisa lisúsu nasálelaki nkísi ya péma. Kasi
longwá na ntango wana kino sikawa, nabíká lisúsu kosókosó to
kopéma ya bongo lisúsu te. Nalingí na ngai káka nátátola boní
mongóngó etóndí na nguya, ezali eloko yango mpenza mpe ya
eleko beébeé lelo.

NDEKO WILLIAM

Amen.

NDEKO STEVEN

Ezali mpenzá litómbá koyóka mongóngó ya Nzambe mokolo
nyóso. Ekómí lifeline ya ngai. Nalingí koyíkisa mpiko mondimi
nyoso ntango nyoso ozali na boséngá, lobá na Ye, mpe
Akozóngisela yo monoko na nzela ya mongóngó wana. Nzambe
ápámbola bino, ndeko na bino ya Mwasi Kati na Klisto kouíta na

NDEKO WILLIAM

Kenya. Eh!, litátoli nini oyo! Eténi ya Liloba nini oyo! Nalingi koloba, Ndeko Steven, eloko moko oyo mpenza ya sóló mpe ezali na yango káka likambo ya kokamwa mpe ezali mpenza koyikisa mpiko epai na ngai mpe lokóla. Ezali káka ete moko te ya oyo ezalákí likambo ya mbálákáká, mpe toyebi ete matambe ya bayéngebene makambamaka na Nkólo, mpe ezalaki te likambo ya mbálákáká ete akómákí kotélema bobélé na litéya wana na esíká wana mpenzá na esíká yango kati ya molongó ya mabóndelí póso misáto libosó ákende na mobembo na ye, Na

NDEKO STEVEN

lingí koloba,

NDEKO WILLIAM

Eh! Eh! Nzambe malamu nini oyo tozali kosálela! Eh,

NDEKO STEVEN

Amen. Mpe ezalákí na yango káka alimá, ndeko, mokosa ya pási na nzóto oyébí, eloko moko lokóla putulú, to bosoto, to elóko moko boye. Nakanisaki ezalaki mpenza malámu ete ayébákí na nzela ya kosósola makanisi ya motéma ete mwasi wana ndeko na ye.

NDEKO WILLIAM

Wana kitóko mpenza

NDEKO STEVEN

Eténi ya Liloba moko kitóko mingi, mpe bobélé bondongbani ya mongúná, moningá na ngai. Na mokolo oyo mpe eleko oyo, azali káka koyíkinya etumba nsima ya etumba. Kasi Nalingaka boni Nkóló akeí ntango nyoso libosó na ye. Ata na ntango moko te na lisoló ya ntango Nzambe asálá ete Liloba na Ye lízala pene mpenza kino na nsóngé ya misapi mpo ya mwasi ya libála. Asengeláki te kokende esíká soko nini, makita godi, to kokende mobembo esíká moko boye, koluka bayóki na moto moko ya lokúmu esika moko boye, kasi kati na kimia ya ndako na ye, kofina káka play likoló ya Agapao Tablet wana, eyano eyákí.

NDEKO WILLIAM

Amen.

NDEKO STEVEN

Nabánza makita ya lobiko ya makono mazali naino kokóba wana bibwélé ya bomoto ya káti bazali koléisama na Biléi wana

NDEKO WILLIAM

Bibómbámákí. Malamu. Na bongo, esengeli óbongama mpo na oyo elandí ezali nde mamá ya litátolí sámbole ya kokámwa, sómo ya likambo kasi nde sóló, mpe eútí na mboka Tanzania. Etángámí boye, “Tiká ete Nzambe ápambola bino, balingami na ngai baníngá Baklisto. Tosepeli kokabola litatoli oyo mpo ya nkembo ya Nkóló na bisó Yesu Klisto. Ezali na ndeko mobali moko oyo tozali kotátwela, komemela ye Bomoí ya séko na nzela ya bokabóláká Etindá ya pole ya pókwa. Lokola ntango ezaláki kokóba koleka, ndeko mobali oyo, mobáli ya nkólá ya kati-káti apesaki motéma na ye epai ya Nkóló mpe akómákí mondimi kati ya Etíndá oyo. Azalaki kofánda mwa mosíká mpe azalákí na telefóne te, kasi mbala mingi azalákí kosálela telefóne ya mwana na ye ya mwasi oyo afándáki na ye esíká moko mpe azalákí kosála lokola lífulumé na lopítalo moko.

NDEKO STEVEN

Nzókandé, na ntango ndeko mobáli akóbákí kokóla kati na kondima, mwana na ye ya mwasi abóyáki kondima sóló ya etíndá. Nsima, abandaki kozila kobóta, mpe na ntango ya zémi na ye, mongúná ayéísá kaká, oyo ekambákí ye kobóya kobóta kino motó na ye etámbólákí lokola moto ya ligbómá ata mikolo misáto libosó ete ábóta. Ntango baníngá na ye ya mosálá minganga bakokákí kosunga ye te, batúnákí tatá na ye soko andimaka Nzambe mpe soko akokákí kobóndela mpo ázua kimia. Ndeko mobali abiángákí bisó mpe aséngákí tómibakisa na libóndeli

elongó na ye ete mobéli ázua kimia na ntina ete lipasó lísálema
malamu ete nyoso mibalé mamá na mwana bákoka kobíka.
Lokóla lingómbá, tobóndélákí mpo na ye, mpe nsima ya mwa
ntango, azuákí kimiá. Ntango ya lipasó, bazalaki na makokí ya
kobimisa mwana na bomoi, kasi kpókósó eyákí lisúsu, kino
ememákí na kolongolama ya binámá ya ebótelo oyo ikobátelaka
mwana na libumu. Nsima ya lipasó, akómákí na maláli makási,
kasi tokóbákí kotátola na ntina ya misálá minéne ya Nzambe mpe
tokóbákí koyíkisa ye mpiko. Nsima ya ntango, nsúka-nsúka
ayambákí mpe andimákí etíndá ya Malakí minei.

NDEKO WILLIAM

Masánzoli epai ya Nkóló. Boye, mbúla mibalé nsima ya lipasó na
ye, mpe elikia nyoso ya komema mwana mosúsu esílákí kosíla.
Mokolo moko, ayókákí litátoli ya mwana oyo atútámákí na mótuka
na Finland, mpe nsima ya Ndeko Branham kobóndela mpo na ye,
mwana mobali wana akómákí malamu. Na pémélá wana
akanisákí kati na ye moko, “Ya sóló, Nzambe ya Ndeko Branham
azali naino káka na bomoi mpe azali kokóba kosála bikámwa.
Soko Nzambe abikisáki mwana mobali wana, nandimi ete Akokí
kokela binámá ya sika oyo ikobátelaka bana kati ya libumu na
ngai zambí Yesu Klisto azali loléngé moko lobi, lelo, mpe libéla.
Abondelákí mpe amemákí boséngá na ye libosó ya Nkóló. Nsima
ya sánzá misáto, ayókákí mabé na libumu na ye, mpe azalákí na
eyókelí lokola nde eloko moko ezalákí kokóma. Ntango abiángákí

mónganga na ye, apesákí ye nsango ya kobébisa motéma ete ekokí kozala kanser to pótá ya likundú. Aponákí kokende na lopítálo mosúsu mpo ya kotála libumu na ye na masíni, mpe na kokámwa na ye, akútí ete ezalákí nde zémi. Nkémbo na Nzambe! Masánzoli na Nzambe! Nalingaki káka nákabola litátoli oyo elongó na bino, ndeko na bino ya mobáli longwá Mwanza, Tanzania.

NDEKO STEVEN

Eh!, eh!, ndeko will, Nayebí te, Nayebi te náloba nini na yango.

NDEKO WILLIAM

Ezali nde

NDEKO STEVEN

Etíkí ngai monoko poléléi. Ezali ya ngai moko. Basalákí lipasó mpe balongólákí ebómbelo ya bana na libumu na ye, mpe nayébákí yango, mpe sikawa ye wana azali kozila kobóta yango yango yango elekélí ngai. Yango ezali petee kondimama te. Tosengelí kondima yango. Ezali sóló, kasi ezali nde káka eh. Ndelo ezaali te epái ya Nzambe oyo tozali kosálela. Ya sóló, Akokí kosála eloko ata nini, esíká ata wapi, ntango sé ntango.

NDEKO WILLIAM

Épámbolama

NDEKO STEVEN

Nkómbo na Nkóló. Eh.

NDEKO WILLIAM

Mpe nsúka-nsúka, elóko moko oyo nabánza mondimi moko na moko akokí kondimana na ngai ezali boni petee mpe na kolemba te moto akokí kobéndama bokébi kati na mokili oyo tozali kobika kati na yango lelo. Makambo ndéngé na ndéngé mazalí koyíbela bisó ntango ya bisó. Ezali mosálá, libóta, ezali na mikúmbá, mpe ata makambo ya malamumu makokí malémbe-malémbe kobanda koyíkana kokímisela bisó ntango oyo tosengélákí kolekisa elongó na Nkóló. Litáli oyo elandí eútí epái ya ndeko mwasi moko oyo amíkútákí na esiká yangó mpenzá. Ntango bana na Ye balelí epái na Ye, Ayébí mpenza loléngé nini ya kozóngisa bangó na esiká wapi Akokí kozala na bomoko elongó na bangó mbala moko lisúsu. Bóyóka litátoli na ye.

NDEKO STEVEN

Mbote. Nalingi nápesa litatoli mpo na nkémbo ya Nzambe mpo na oyo Asálí kati na bomoi na ngai. Kati na mbúla ya 2025, Natátólákí mbala moko lisúsu mapámboli ya nkóló ya kokamwa mpe mabóndeli mingi mayanólámákí. Natóndákí na botóndi mingi kati na bozindó ya motéma na ngai, kasi na bozángáká koyeba yango, Nazalákî kozánga kotia Ye libosó. Nazalaki kolingisa

makambo mosúsu kozua esíká na ye na esíká ete nálekisa ntango kati na Liloba na Ye mpe náúmela libosó na Ye. Nazalákí kotóndisa ntango na ngai na kolanda-landa makambo mosúsu. Nazalákí mpenza lokóla ba ngúlu Ndeko Branham asolólákí na ntina na yango, bazalákí kolia mbuma ya apple wana ikwéákí na nzeté, kasi batíkálá kotelema te bátála likoló epái mbuma izalí kouíta, Nazali na nsóni kondima yango. Nakómákí na esíká ete nakokákí kokende na mbéto kolála natángí Biblia na ngai ata ndambo te. Mongúná akokaki koyébisa ngai, “Olembí mingi na pókwa oyo, Nzambe akosósola. Nakokaki kobanda kobóndela, kasi libosó nákende mosiká, nazalákí nasí nalálí pongí. Nzókandé kati na nyoso wana, Nkóló Akóbákí kopambola ngai mpe koyanola mabondeli na ngai. Azali malamumu mingi epái na ngai, mpe nabongí ata ndambo te na ngolu na Ye.

NDEKO WILLIAM

Lokola Ndeko Branham azali kolakisa, mbala mosúsu mobáteli ya ba mpate akobúka lokolo ya mpate mpo ábénda yango pene koleka mpe komema mokumbá na yango na ndéngé ya godi. Boni bolingo na Ye ezali monéne koleka! Kotála nsima sikawa, Nandimi yango mpenza káka nde Asengélákí kosála mpo ya ngai. Pene na nsúka ya 2025, emónanákí lokola ete nabandákí kobúngisa makambo nyoso. Nakokákí kosósola yango te. Nsima ya Nkóló koyanola na mabóndeli na ngai, kopesa ngai mpósá ya motéma na ngai. Mpo ya nini oyo ezalákí kokóma? Nasálákí nini?

Nazalaki kosósola te, Nalelákí epái na Nkóló. Mokolo moko wana ezalaki ngai koyóka voice radio, Nayókákí Ndeko Branham kosolola na ntina na Mose mpe boni akómáki elóko ya kokwéa mpo na kozánga kotía Nzambe libosó. Maloba wana malamúsáki motéma na ngai. Nsima, Nakendeki na mabondeli mpe Nasengaki Nkóló áloba na ngai lisúsu na nzela ya voice radio. Litéya elandákí ezalákí na ntina ya kotía Nzambe libosó. Nakóki kokanisa lisúsu mokonza ya litéya te, kasi nakanísí nguya na yango likoló na ngai. Na bongo eyókánákí lokola mwa mongóngó wana ya kimia elobákí na motéma na ngai mpe elobákí káka, “Ezali mpo ete otiákí ngai libosó te.

NDEKO STEVEN

Nalelákí. Alobí, “Nabóndéláki mpe natóndákí Nkóló mpo ya komónisa ngai likambo. Mikolo milandákí nsima kobanda mokolo wana, makambo mabandákí kobóngwana. Nabandákí kobóndela mingi. Nabandí kolekisa ntango mingi kati na Liloba na Ye. Nabandákí kotangola masúmu mpe makambo ya kobénda bokébi oyo izalákí koléngola ngai na petee. Lelo, pene na kati ya 2026, Nakokí koloba na bosémbo ete kotámbola na ngai ya boklisto etíkálá kozala kitóko libosó boye soki moké te, mpe ezali kokóba kozala elengi ya koleka mokolo na mokolo.

NDEKO WILLIAM

Amen.

NDEKO STEVEN

Nazali na mpósá na Ye koleka ndéle libosó. Azali elikia na ngai nyoso mpe etemelo na ngai. Azali kosepela na ngai, mpe nasengélí na mosúsu te. Ezali na eloko moko te lokóla kotámbola elongó na Ye. Azali kotámbola elongó na ngai mpe azali kosolola na ngai, mpe mapámboli mazóngisámí. Ya sólogo Nazángi ndéngé ya kotóna Ye mpo ya bobóto na Ye epai na ngai. Makambo mosúsu nyoso makómí ya nsima. Makambo nyoso sólogo mpenza masálaka mpo ya bolámu ya baoyo balingí Ye. Nkóló ayébákí mpenza oyo ekosengela mpo ya komema ngai pene na Ye, mpe mpo na yango nazindí mpenza kati ya matóndi epái na Ye. Ndeko na bino ya mwasi kati na Klisto.

NDEKO WILLIAM

Eh! Masánzoli epái na Nkóló! Litatoli nini ya elengi oyo, ndeko Stephen, mpe nandimi ete bisó nyoso tokoki komíyóka ete tozali kati na oyo. Mpe ezali ekaniseli monene koleka kotia Ye ntango nyoso libosó.

NDEKO STEVEN

Amen. Ezali na eloko moko te eleki yango na motúya, ndeko na ngai. Likomi elobí, “ Luká libosó Bokonzi ya Nzambe mpe

boyengebene na Ye, mpe makambo oyo nyoso makobakisama, mpe Nakanisi ete tolingaka ntango nyoso kokaniselama na yango. Lelo oyo mpe eleko oyo, bomoi na bisó itóndí na makambo ya kosála; eloko nyoso kobénda bokébi na bisó, mpe Nkóló Yesu kotélema káka wana, lokóla Ndeko Joseph ayemélákí biso yango na maloba na ye kuna na camp, mpe kozila bobélé ete ólekisa ntango elongó na Ye. Mpe nalingi oyo alobákí ntango mosúsu, Ndeko Joseph alobaki, mpe nazali kokanisa lisúsu te ndéngé alobákí yango liloba na liloba, kasi ezali lokóla nde, alobákí, boyébí, ntango nini nde ya malamú koleka kopesa Nkóló ezali ntango makambo ya kosála mazingéli yo? Alobí ezali ntango otóndi na makambo ya kosala. Ezali kokomísa na ntango yango mpenza. Tíká kaka makambo nyoso, pésá Nzambe ntango na Ye, mpe okokí kopesa Nzambe koleka te. Mpe esengo mingi ete ndeko na biso ya mwasi azuakí libakú malamú ya kobika likambo oyo, na ntina ete bisó nyoso tokoka kokaniselama boye kotía ntango nyoso Nkóló libosó.

NDEKO WILLIAM

Amen. Ezali mpenza ekaniseli ya kokamwa mpo ya bisó nyoso. Boye, nde matátoli nyoso tozalaki na yango kokabola mpo ya lelo, mpe totii motéma ete bosepélí na yango, bobeeélé lokóla bisó mpe tosepélákí. Mpe na liloba wana, nde esúkísí eténi ya lelo. Bómíndimisa kotálela makambo mpe nsango ya sika kati ya póso mobimba likoló ya [Branham.org](https://www.branham.org), bilekelo ya WhatsApp, mpe app

na bísó ya Lifeline. Mpe lokola tozali kosúkisa lelo, toséngí ete bókóba kokanisa basáli ya La Voix De Dieu kati na mabóndelí lokola bazuí ntango oyo mpo ya kopéma, komínanola, kozua makási ya sika, mpe kokóba mosálá Abiángí moko na moko na bango kosála.

NDEKO STEVEN

Boye, matóndi epái ya bino nyoso mpo ya komíbakisa na biso lelo. Tondimi ete kondima ya bino iyíkísámí mpiko, mpe soko Nkóló alingí, tozali kotálela komónana na bino lisúsu noki. Mpe kino ntango yango, tiká ete Nzambe Ápambola bino mpe shalom.

Molobi 1

Shalom.